

Dumonda Deplazes (Rabius) concernent la segirezza dal provediment cun energia electrica en il chantun Grischun

Las discussiuns actualas davart la midada dal clima e la reducziun da las emissiuns da CO₂ che vegn pretendida d'expertas e d'experts e ch'è urgentamain necessaria vegnan a chaschunar in basegn considerabel d'energia electrica. Central è en quest connex in basegn d'electricitad creschent tar il traffic individual (midada da motors termics sin vehichels cun batteria). Ma er il remplazzament da stgaudaments a carburants fossils en chasas d'abitar tras pumpas a chalur u la renunzia a purtaders d'energia fossila en il mastergn ed en l'industria han per consequenza ch'il basegn d'energia electrica s'augmenta considerablamain. Igl è da quintar che quest basegn supplementar sto vegnir cuvri a curta vista. En quest connex tschentan las sutsegnadras ed ils sutsegnaders las suandantas dumondas:

1. Quant aut valitescha la Regenza il basegn d'electricitad ch'è necessari supplementarmain durant ils proxims 5 fin 10 onns?
2. Co giuditgescha la Regenza la segirezza dal provediment cun energia electrica per ils proxims 10 onns – ord vista da la producziun d'electricitad, però er concernent las capacitads da la rait electrica?
3. Co valitescha la Regenza il potenzial per amplifitgar la forza idraulica?
4. Tge aspect ha la strategia da la Regenza concernent la forza idraulica (ed en quest connex la tematica dal return dals implants a la concedanta)?
5. Co pensa la Regenza da garantir ina rait da tancadis per vehichels electrics en tut il chantun?
6. En tge dimensiun pon implants da fotovoltaica u auters producents d'energia alternativs garantir la segirezza dal provediment cun energia electrica?

27 d'avust 2021

Deplazes (Rabius), Hardegger, Jochum, Alig, Berther, Bettinaglio, Brandenburger, Brunold, Buchli-Mannhart, Cantieni, Caviezel (Cuira), Censi, Crameri, Danuser, Della Cà, Derungs, Ellemunter, Felix, Florin-Caluori, Flütsch, Hartmann-Conrad, Holzinger-Loretz, Kasper, Kienz, Kunfermann, Lamprecht, Loepfe, Maissen, Märchy-Caduff, Michael (Donat), Natter, Niggli (Samedan), Niggli-Mathis (Grüsch), Papa, Ruckstuhl, Schmid, Schneider, Schutz, Tanner, Thomann-Frank, Thür-Suter, Tomaschett (Breil), Tomaschett-Berther (Trun), Ulber, von Ballmoos, Weidmann, Wellig, Widmer (Favugn), Zanetti (Landquart), Bürgi-Büchel, Büsser, Costa